



## 豬接杓

「大人講話，細人仔毋好豬接杓樣仔！」豬接杓，講人多嘴、搶話、得人惱，當生活个形容詞。毋過恁得出這種畫面个人緊來緊少了，因為現下个人「識食過豬肉，無麼个機會看過豬仔行路」。

「國家」、「人家」个「家」，這隻漢字肚有一條大豬。頭擺个人，家家戶戶也多少有畜兜仔豬仔。豬仔做得賣錢係財產，做好事、做鬧熱个時節會用著係需要品，豬屎還係日常種菜个肥料。係無吾屋後背个阿琴仔恁衰過，五歲起勢就愛負責剝豬菜、焯豬菜、餵豬仔，該係知人麼个？

係知「糞仔撈杓菜，你撈豬嫲睡」，逐個細人仔都曉得个童謠。係知「厠屎毋出怨豬嫲」，係因為豬欄撈屎缸離較近，豬嫲嫌衰。係識看過「豬食汁啦啦滾」，故所知「豬食汁樣仔」做得形容人當會講話。係乜知「山豬第一擺食糠——毋知香臭」，係因爭自家絡食个山豬無像人家畜个豬仔，食糠、食汁、食豆餅、食歐羅肥。係還識看過阿婆餵豬仔！

阿婆先撈一大抓洗淨个豬菜耐心个剝到平長平長放入大鑊，鑊肚還有幾條仔削無麼个肉个細蕃薯仔。水一滾，蕃薯葉个清香撈細蕃薯仔个甜香衝(cung)到歸灶下仔，還香哦！豬胚仔一定乜係鼻著香味，呵呵滾，怕係講「還想食」个意思。豬欄較臭臊，阿婆喊係毋好跣入去，係在門背看阿婆餵豬仔，阿婆个杓嫲舌揆著豬筲，豬嘴就鬥鬥拏來，還徑杈人哦，害阿婆餵豬仔个頭路，做就毋得好勢！

故所，恁還細个時節係分人嫌「豬接杓係毋係」，隨就面紅了。這下，換恁變做大人，係細人仔搶話，係總會耐心个先聽佢兜發表一下，因為佢个多話係分恁个議題「引起動機」个，正會有想愛參加討論个興趣撈精神。借這種機會過撈佢兜分享「豬接杓」个意思，因為有兜人分人一締確會接毋著自家个話，害厥意思表達毋完全，佢可能會發譴哦，該就費氣了。

故所啊，恁愛培養自家个定力撈頭腦，在別人發表高論个時節撈自家个話先囡在腦殼肚，等人家講忒正換恁條理分明个表述。恁樣，係對別人个尊重、禮貌，乜可能撈大家共下啟等个空氣變到較和諧、清爽哦！

作者：彭瑞珠

### ☆詞彙學習☆

【豬菜】zu' coi：番薯葉。

【豆餅】teu biang：大豆榨油後的豆渣餅。

【杓菜】sog coi：恭菜、牛皮菜。

【豬胚仔】zu' poi' e：中豬。

【啦啦滾】leb leb gun：喝湯發出的聲音。

【呵呵滾】ho ho gun：豬發出的聲音。

【歐羅肥】eu' lo' pi：飼料添加物，抗生素。

【締確】di doi：干擾，捉弄。

### ☆文法學習☆

【無……恁……】不如……這麼……。客家語的比較句式，表示「不若、不如」，未達到所比對象所具有的程度。例：阿華無你恁即靈。(阿華不像你這麼機靈。)